



ADMINISTRACIÓN LOCAL

MUNICIPAL

SADA

Secretaría

Convocatoria de axudas económicas aos desprazamentos co fin escolar. Curso 2024-2025

CONVOCATORIA DE AXUDAS ECONÓMICAS AOS DESPRAZAMENTOS CO FIN ESCOLAR DIRIXIDAS AOS ESTUDANTES EMPADROADOS/AS NO CONCELLO DE SADA.

CURSO LECTIVO 2024-2025

1.- OBXECTO, FINALIDADE, FINANCIAMENTO E CONTÍA DA CONVOCATORIA

A presente convocatoria ten por obxecto o regulamento de concesión directa de axudas individualizadas para colaborar nos gastos correntes dos desprazamentos co fin escolar dirixida ao alumnado empadroado no Concello de Sada para o curso 2024- 2025, favorecendo o acceso aos centros de ensino públicos mediante unha axuda nos gastos derivados da utilización de calquera tipo de transporte para acceder aos mesmos.

Dende a Concellería de Deporte, Educación e Xuventude do Concello de Sada preténdese incentivar a continuación de estudos non obrigatorios daquelas persoas que por circunstancias xeográficas, deben desplazarse ao non ter oferta formativa suficiente no termo municipal de Sada.

Por outra banda, estas axudas posibilitan que aqueles estudantes, independentemente da súa situación económica, teñan acceso a unha educación de calidade, especialmente no caso que nos ocupa de ensinanzas non obrigatorias, onde os custes asociados son máis elevados. Estas axudas individualizadas non compensan na totalidade os gastos derivados do transporte, pero si incentivan ao alumnado para poder axudar ao esforzo económico que realizan as familias durante o curso escolar.

Ademais disto, foméntase a igualdade de oportunidades, permitindo que a xente moza poida acceder a programas educativos que doutra forma sería máis complicado. Polo tanto, non só implica un beneficio para o propio estudiantado, según que estamos a contribuir co desenvolvemento social e económico do municipio, xa que unha poboación con maior acceso á educación, tende a ser máis participativa e productiva.

Polo tanto, aquelas iniciativas que dalgunha forma pretendan promover a formación continua, o cal é fundamental para o crecemento persoal e profesional das persoas e para o concello como promotor da iniciativa é inversión no futuro da comunidade e benestar da cidadanía.

Para o financiamento deste programa de axudas existe crédito por importe de 15.000 € na partida 326.48011 do Orzamento Xeral do Concello para o ano 2024.

2.- RÉXIME XURÍDICO

Lei 7/1985, do 2 de abril, reguladora das bases de réxime local.

Lei 5/1997, do 22 de xullo de administración local de Galicia.

Real D.L. 2/2004, do 5 de marzo, polo que se aproba o texto refundido da lei reguladora das facendas locais.

Lei 38/2003, do 17 de novembro, xeral de subvencións e Real decreto 887/2006, do 21 de xullo, polo que se aproba o seu regulamento.

Lei 9/2007, do 13 de xuño, de subvencións de Galicia e o Decreto 11/2009, do 8 de xaneiro, polo que se aproba o seu regulamento.

Bases de execución do orzamento para o ano 2024.

Plan estratéxico de subvencións 2024-2026

3.- SOLICITANTES E REQUISITOS

3.1 Poderán acollerse o alumnado empadroado no Concello de Sada que curse calquera dos seguintes estudos dentro ou fóra da Comunidade Autónoma Galega:

- Educación Secundaria Adultos (ESA)

- Bacharelato
- Formación Profesional
- Estudos universitarios
- Calquera estudio oficial homologado estatalmente.

Deberán cumprir ademais cos seguintes requisitos:

a) Estar empadroado no Concello de Sada durante a totalidade do curso escolar 2024/2025. No caso contrario poderá solicitarse a devolución da axuda.

b) Estar empadroado a máis de 3 km. de distancia do centro de estudos

c) Estar matriculado nun centro de ensino público na modalidade de estudos presenciais.

d) En función da natureza da subvención aplícase a excepción prevista no artigo 10.2 da Lei 9/2007, de 13 de xuño, de subvencións de Galicia, en relación cos requisitos para obter a condición de beneficiario.

3.2 Non poderán acollerse as persoas que se atopen nos seguintes supostos:

- Cursar estudos de educación infantil, primaria ou secundaria (ESO).
- Estar matriculados en centros privados ou públicos concertados.
- Cursar estudos con duración inferior a 6 meses .

4. -CRITERIOS

Establécese como criterio de concesión a distancia que existe entre o domicilio do/a beneficiario/a e a localidade do centro de ensino onde estea matriculado (sempre e cando o centro careza de transporte escolar), segundo o baremo que figura a continuación (a distancia mínima para percibir a axuda será superior aos 3 km.):

- De 3 km a 15 km.: 100 euros (por ex. Sada, Bergondo, Betanzos..)
- De 16 a 40 km.: 130 euros (por ex. A Coruña..)
- De 41 a 80 km.: 180 euros (por ex. Santiago, Lugo..)
- Máis de 80 km.: 210 euros (por ex. Pontevedra, Vigo etc.)

No caso de que, a vista do número de solicitantes beneficiarios da axuda se supera a contía total, procederáse a reducir proporcionalmente o importe de cada axuda individual até que se de cobertura á totalidade das solicitudes que cumpran os requisitos para a concesión.

As persoas que estean cursando estudos en máis dun centro só poderán solicitar a axuda económica para un deles.

5.- PUBLICACIÓN DAS BASES E PRAZO DE PRESENTACIÓN DE SOLICITUDES

As solicitudes asinadas polo solicitante, formularanse no modelo que figura como anexo desta convocatoria e presentaranse no Rexistro electrónico do Concello ou por calquera dos medios sinalados no artigo 16.4 da Lei 39/2015, de 1 de outubro, do Procedemento Administrativo Común das Administracións Públicas.

As solicitudes deberán presentarse no prazo máximo de 15 días hábiles a partir do día seguinte da publicación do extracto da convocatoria no Boletín Oficial da Provincia. Tamén se publicará na páxina web do Concello podendo presentarse as instancias a partir dese momento.

6.-DOCUMENTACIÓN A PRESENTAR

As solicitudes presentaranse preferiblemente a través da sede electrónica ou, opcionalmente no rexistro xeral do concello de Sada a través dunha solicitude xeral:

www.sede.sada.gal

A documentación a presentar será a seguinte:

- a) Solicitude en modelo normalizado, (Anexo I).
- b) Declaración responsable de haber solicitado/ percibido outras axudas polo mesmo concepto doutros organismos e/ ou administracións públicas e, no caso de percibilas, contía das mesmas (ANEXO II).

Esta subvención é compatible con outras achegas públicas ou privadas e o importe a subvencionar non poderá superar o gasto xustificado non cuberto polas mesmas (art 19 LXS).

- c) Fotocopia do D.N.I.

d) Fotocopia do certificado de conta bancaria que deberá ser do estudante. No caso de que non dispoña poderá poñerse a do pai, nai ou representante legal, entendendo que o estudante autoriza ao concello a realizar o ingreso nesa conta.

e) Certificado ou acreditación de estar matriculado/a no actual curso académico. Preferiblemente este documento será expedido polo centro de ensino. No caso contrario admitirase fotocopia do resguardo da matrícula e do pago das taxas correspondentes.

f) Volante ou certificado de empadramento no Concello de Sada.

7.- PROCEDIMENTO

Unha vez rematado o prazo de presentación de solicitudes, realizarase a revisión da documentación por parte do departamento de Educación e elaborárase o informe-proposta para a súa concesión ou denegación en función do cumprimento dos requisitos esixidos pola Concellería delegada de Educación.

Unha vez fiscalizada pola Intervención municipal, a Alcaldía concederá as subvencións mediante acordo do órgano competente no que se especifique a relación de solicitantes aos que se conceden as subvencións e a desestimación das restantes solicitudes.

O outorgamento das subvencións notificarase aos interesados segundo o establecido nos artigos 58 e 59 da Lei 30/1992. A resolución da concesión farase pública, como mínimo, mediante exposición pública no taboleiro de anuncios municipal durante o prazo de un mes.

Para o cobro deberán presentar:

- Certificado do centro educativo no que conste de alta como alumno/a no curso escolar para o que é obxecto a convocatoria. A data do certificado debe ser actualizada, non anterior ao mes de abril.

- Prazo de presentación do certificado : do 01/04/2024 ao 30/04/2024.

A non presentación desta xustificación no prazo establecido para elo suporá á renuncia da axuda.

A efectos de dar traslado á axencia tributaria das axudas concedidas tomarase como beneficiario ó interesado/a ou o/a representante legal, no caso de minoría de idade, co seu correspondente número de identificación.

8.-DISPOSICIÓN FINAL

As axudas serán concedidas sempre co límite da aplicación orzamentaria correspondente a tal fin dentro do vixente orzamento municipal ampliables no caso de economía doutras subvencións destinadas á educación.

Estas bases foron aprobadas en pleno o 30 de outubro de 2024.

Sada, a 6 de novembro de 2024

O Alcalde

Óscar Benito Portela Fernández

ANEXO I

Modelo de solicitude de axudas

AXUDAS ECONÓMICAS AOS DESPRAZAMENTOS CO FIN ESCOLAR CURSO 2024-2025

Alumno/a:	DNI:
Tlf:	Correo electrónico:
Centro estudos:	Curso:
Distancia Km:	
Representante legal (Pai/Nai/Titor)	
D/Dª:	D.N.I.:
Enderezo:	
Tlf:	Correo electrónico:
Documentación que se acompaña: <input type="checkbox"/> FOTOCOPIA DO DNI DO ALUMNO/A OU DO CABEZA DE FAMILIA NO CASO DE MINORÍA DE IDADE. <input type="checkbox"/> CERTIFICADO OU ACREDITACION DE ESTAR MATRICULADO NO CURSO ACADÉMICO EXPEDIDO POLO CENTRO DE ESTUDIOS CORRESPONDENTE; OU FOTOCOPIA DO RESGARDO DA MATRICULA DO CURSO ESCOLAR <input type="checkbox"/> CERTIFICADO DE CONTA BANCARIA PARA O INGRESO DA AXUDA <input type="checkbox"/> VOLANTE OU CERTIFICADO DE EMPADROAMENTO	
Acepto e comprométo a cumprir as bases reguladoras da presente convocatoria de axudas. Por todo isto solicito: QUE SE TEÑA POR PRESENTADA ESTA INSTANCIA E OS DOCUMENTOS QUE SE ACOMPAÑAN PARA A CONVOCATORIA DE AXUDAS Á QUE SE REFIRE ESTA PETICIÓN. O interesado ou representante legal Asdo.-	

ANEXO II Declaración de axudas

AXUDAS ECONÓMICAS AOS DESPRAZAMENTOS CO FIN ESCOLAR CURSO 2024-2025

D/Dª _____ titular do DNI

núm. _____ como interesado

(Representante legal)

D/Dª _____ titular do DNI

núm _____, (como representante legal do menor/estudiante

D/Dª _____).

Que en relación coa convocatoria de axudas aos desprazamentos co fin escolar do Concello de Sada para o curso escolar 2024/2025 para a que solicita axuda económica,

DECLARA

- Que non solicitou nin obtivo subvención algunha de Organismo Público ou privado
 Que solicitou e obtivo subvención das seguintes entidades polas contías que se indican:

ORGANISMO/ENTIDADE	CONTÍA SOLICITADA	AXUDA CONCEDIDA

Sada, de _____ de 2024

ASINADO:

2024/7817